



**PARLAMENTO  
NACIONAL**  
República Democrática de Timor-Leste

**KOMISAUN DE INFRAESTRUTURA**  
**RELATÓRIU FISKALIZASAUN IHA SUKU HERA (MUNISÍPIU DÍLI)**  
**21 JANEIRU 2021**



**Prepara husi Ekipa Tekniku Komisaun:**  
**Joaquim da Silva Xavier (Tékniku Kobertura) ho**  
**Vitorino Borges de Deus (Tékniku Edisaun)**

## SUMÁRIU

- I. INTRODUSAUN
- II. KOMPOZISAUN
- III. OBJETIVU VIZITA
- IV. REZULTADU ENKONTRU
- V. VIZITA TERENU
- VI. KONKLUZAUN
- VII. REKOMENDASAUN
- VIII. APROVASAUN
- IX. ANEXU

## 1. INTRODUSAUN

Komisaun E Parlamentu Nasional mak Komisaun Permanente ne'ebé asegura iha orgânica Rejimental Parlamentu Nasional Timor-Leste, ho knar ba akompanhamentu iha âmbito especialidade nian, ne'ebé ligadu ho asuntu ho matéria sira hanesan:

(i) Kona ba atividade legislativa;

(ii) Kona ba kontrolu no fiskalizaun ba atividade sira Governu nian ne'ebé hatur iha Rejimentu Parlamentu Nasional número 3 artigo 95.º no número 3 artigo 145.º Konstituisaun Repúblika Demokrátika Timor-Leste, no alínea c) artigo 35.º no artigo 79.º, tamba ne'e, realizaun ba vizita ida ne'e organiza tuir dispozisaun rejimental ne'ebé iha.

Rejimentu Parlamentu Nasional, fo Kompetênsia ba Komisaun Especializada Permanente sira, hodi hatene tuir asuntu sira kona ba polítiku, administrativu no apresia atu sira Governu nian;

Vizita técnica ne'e bazeia ba Planu Atividade Komisaun Infraestrutura tinan 2021, ne'ebe delibera husi reuniaun regular Komisaun iha loron **20 Janeiro 2020** hodi defini vizita trabalhu iha Munisípiu 13 inklui Kapital Díli.

Nune'e, iha loron 21 fulan janeiru tinan 2021, Komisaun E hala'o vizita fiskalizaun ba Suku Hera, Postu Administrativu Cristo Reis, Munisípiu Díli. Vizita ida ne'e ho objetivu atu hatene no observa direta oinsa nesiedade normalizaun Mota Ailok-Laran iha suku refere, hodi nune'e bele rekomenda ba Governu hodi ezejuta tuir planu asaun ne'ebe mak iha.

## II. KOMPOZISAUN

Delegasaun kompostu husi:

Nú.	Naran	Pozisaun
1.	Deputadu Abel Pires da Silva	Prezidenti
2.	Deputadu Fabio de Oliveira	Vise-Prezidenti
3.	Deputadu Domingos de Carvalho	Membro
4.	Deputada Irene Gonzaga Sarmiento	Membro
5.	Deputadu Francisco David Xavier Carlos	Membro

Iha parte seluk, Deputadu Adriano do Nascimento (Membro), Deputadu Marcos Xavier (Membro), Deputadu Mariano Fatubai Mota (membro) ho Deputadu Arão Noé de Jesus da costa Amaral la partisipa iha fiskalizasaun refere ho razaun justifikadu. Fiskalizasaun hetan akompanha husi Tékniku Komisaun E, Joaquim da Silva Xavier ho Vitorino Borges de Deus, inklui Jornalista RTPN 1, Eskolta 1 ho Motorista 6 konta ho motorista viatura operacional. Fiskalizasaun refere hetan mos partisipasaun husi Autoridade Lokal husi Suku Hera.

## III. OBJETIVU

Objetivu husi fiskalizasaun, nudar fiskalizasaun tematika atu observa direta kondisaun jeral Mota Ailok-Laran Hera ne'ebe hamosu preokupasaun ba Autoiridade Lokal liu-liu kona ba nesesidade normalizasaun mota hodi proteje comunidade husi risku dezastre.

## IV. REZULTADU VIZITA

Molok vizita ba terenu, Komisaun liu husi Servisu Tékniku halao koordinasaun ho Autoridade Suku Hera hodi konfirma kona ba karta pedidu ne'ebe submete iha fulan dezembru 2020 ho nia kontéudu husu Komisaun E bele halo fiskalizasaun kona ba kondisaun Mota Ailok-Laran Hera ne'ebe fo amiasa ba comunidade. Servisu koordinasaun entre Tékniku Komisaun ho Autoridade Lokal Suku Hera hetan resposta positiva no urjentimente Komisaun realiza fiskalizasaun iha loron 21, fulan janeiru, tinan 2021. Hanesan temin ona iha leten, katak fiskalizasaun ida ne'e nudar fiskalizasaun tematika, nune'e Komisaun uza métodu observasaun terenu hodi haré direta

kondisaun Mota Ailok-Laran iha Suku Hera ne'ebe fo amiasa ba Komunidade lokal atualmente. Fiskalizasaun refere hetan mos akompanhamentu husi autoridade lokal, kompostu husi: Xefi Suku Hera, Komandante Polísia OPS Hera ho Emprezária Lokal inklui comunidade.

Bazeia ba observasaun jeral iha terenu hare katak, Mota Ailok-Laran iha Suku Hera to'o ohin loron seidak iha kontinuasaun muru protesau no bele fo amiasa ba comunidade bainhira udan bo'ot. Iha área refere hetan abitasaun comunidade ho facilidades ponte, kintal, kriasaun animal inklui Kampaun Naval F-FDTL. Komunidade utiliza mota-laran ba atividade transportasaun ho movimentasaun iha tempu bailoron, no mota-laran sai hanesan dalan alternativu ba comunidade tamba laiha estrada, liu-liu comunidade ne'ebe hela pertensia iha mota-ulun. Provizoriamente iha mákina eskavator 1 husi Institutu Gestão de Equipamentos (IGE) mak fo hela atendimento iha fatin risku hodi antesipa dezastre ne'ebe imprevistu. Iha okaziaun ida ne'e Komisaun hetan mos klarifikasaun husi Autoridade Lokal sira;

1. **Xefi Suku Hera – António M. da Silva**, ba Membru Komisaun sira informa katak, atendimento ba Mota Ailok-Laran konsidera importante tamba fo amiasa bo'ot ba comunidade ne'ebe asesu iha fatin refere. Bainhira udan óras 2 deit provoka mota tun hodi halo comunidade liu la diak no bele prejudika ba atividade sosio-ekonomiku ba comunidade. Iha mos informasaun katak, Mota Ailok-Laran fo risku mos ba Kampaun Naval (F-FDTL) Hera bainhira laiha atendimento urjenti husi parte kompetenti, kampaun refere lokaliza iha Mota Ailok-Laran nia ain, iha área norte besik ba tasi-ibun Hera nian.

Kona ba programa reflorestasaun hodi trava udan-bem, Xefi Suku informa katak, programa reflorestasaun sempre halo bebeik husi Governu maibe la hetan susesu tamba halao la tuir tempu. Programa reflorestasaun halao iha tempu bailoron iha fulan maio iha ne'ebe udan-ben menus. Além de la tuir tempu, kestaun menus manutensaun ho kontrolu sai mos obstaklu ba programa reflorestasaun la hetan susesu iha Suku Hera. Governu hafoin halao tiha reflorestasaun iha fatin ne'ebe identifika risku dezastre maibe la halo manutensaun ho kontrolu rutina ba ai-horis ne'ebe kuda, nune'e prejudika ai-horis barak mak mate tamba la rega no barak mos hetan estragus husi animal tamba laiha lutu protesau ho apoiu pessoal kontrolu.

Mota ne'ebe ho volume bo'ot prejudika be tama ba comunidade nia uma, liu-liu ba comunidade ne'ebe hela iha areador Ponte Ailok-Laran. Problema refere existe tamba, konstrusaun ponte ass liu comunidade nia uma no konstrusaun ponte la inklui ho valeta. Kona ba problema refere, husi Autoridade Suku konfirma ona ba iha Kompanhia Xineze ne'ebe halao obra, maibe husi kompanhia responde katak, kompanhia ezekuta tuir dezenhu ne'ebe mai husi Governu no ezekusaun konstrusaun ba Ponte Ailok-Laran la inklui ho valeta. Tamba ne'e, Autoridade Suku husu ba Delegasaun Komisaun E atu hola konsiderasaun mos ba problema refere.

2. **Emprezaria Lokal – Maria Ribeiro de Sousa (Diretora Kompanhia My Benze Unipessoal Lda)**; ba ekipa Komisaun E informa katak, hanesan emprezaria lokal sempre prontu koopera ho Estadu hodi konstroi no atende ba preokupasaun husi comunidade. Programa konstrusaun kona ba facilidade normalizasaun Mota Ailok-Laran iha Suku Hera sai ona planu programa ba kompanhia ne'ebe horik iha Suku Hera. Proposta kona ba konstrusaun Mota Ailok-Laran husi kompanhia lokal submete ona ba iha Governu maibe to'o ohin loron seidauk iha rezultadu. Maibe hanesan Timor-oan la dezanimadu más nafatin hein ho pasiensia to'o iha desizaun hodi hadian nasaun. Performansia kompanhia lokal My Benze Unipessoal Lda. hetan apoiu husi tékniku profisional husi estranjeiru, hanesan Indonézia. Kompanhia My Benze Unipessoal Lda. nudar kompanhia lokal ne'ebe óras ne'e hetan fiar husi Kompanhia Heineken Hera hodi ofere se atendimentu jeral.

## V. KONKLUSAUN

Bazeia ba deskrisaun iha leten, maka Komisaun bele hola konklusaun hanesan tuir mai;

1. Em jeral, Mota Ailok-Laran iha Suku Hera, Postu Administrativu Cristo Rei, Munisípiu Díli, fo duni amiasa ba comunidade nia moris, kintal, animal, rikusoin inklui Kampaun Naval/F-FDTL, liu-liu tamba mota refere seidauk iha kontinusaun muru protesaun husi mota-ulun mai Ponte Ailok-Laran no husi ponte ba mota-ain;
2. Hodi atende ba situasaun emerjensia iha Mota Ailok-Laran, óras ne'e dadauk husi Governu liu husi Instituto Gestão Equipamentos (IGE) mak fo apoiu hela hodi operasionaliza makina eskavator iha fatin risku dezastre ou mota ulun;

3. Programa reflorestasaun hodi trava volume udan-ben ladauk susesu iha Suku Hera tamba ezekusaun programa la tuir nia tempu, laiha manutansaun rutina ho falta kontrolu husi autoridade kompetenti;
4. Konstrusaun ponte Ailok-Laran Hera ass liu uma comunidade no la inklui ho valeta, sai ona risku hodi fo impaktu be tama ba comunidade nia uma no estragus comunidade nia kintal ho animal iha areador ponte refere;
5. Kompanhia lokal – My Benze Unipessoal Lda. – prontu koopera ho Governu hodi fo atendimentu ba normalizasaun Mota Ailok-Laran iha Suku Hera. Kompanhia refere ho performansia adekua no iha komitmentu hakarak fo kontribuisaun hodi hadian suku laran, óras ne'e hein hela desizaun husi Governu kona ba proposta kontinuasaun konstrusaun muru protesaun Mota Ailok-Laran, ne'ebe submete ona ba iha Ministériu Obras Públika maibe seidauk iha rezultadu.

## **VI. REKOMENDASAUN**

Haktuir ba konkluzau iha leten, maka Komisaun bele hato'o rekomendasaun hanesan tuir mai;

1. Persiza iha kontinuidade kona ba konstrusaun muru protesaun hodi normaliza mota iha Mota Ailok-Laran, Suku Hera, Postu Administrativu Cristo Rei, Munisípiu Díli. Normalizasaun importante hodi proteze comunidade inklui Kampaun Naval F-FDTL husi dezastre inundasaun ho rai monu;
2. Mantein apoiu emergjensia husi Governu liu-liu IGE hodi mobiliza ekipamentu pejadu ba iha área risku dezastre hodi bele nafatin proteze comunidade husi dezastre inundasaun, liu-liu kombat alastramentu mota ba abitasaun comunidade;
3. Atu programa reflorestasaun iha Suku Hera bele hetan susesu no benefisia ba sustentabilidade ambiente ne'ebe saudável, sujere atu programa refere halao iha tempu udan hodi nune'e bele fasilita be'e ba ai-horis. Iha biban seluk, fator manutensaun ho kontrolu ba ai-horis ne'ebe kuda ona persiza mos tau atensaun husi parte kompetenti, liu-liu iha área ne'ebe ligasaun ho Mota Ailok-Laran;
4. Nesesáriu atu buka solusaun adekua ba uma comunidade ne'ebe afetadu be'e tama uma kauza husi Konstrusaun Ponte Ailok-Laran ne'ebe ass liu abitasaun comunidade no laiha valeta;

5. Persiza iha selesaun rigor ho konsiderasaun hanesan ba kompanhia lokal sira ne'ebe iha vontade diak hodi koopera ho Governu ba planu continuidade konstrusaun muru protesaun iha Mota Ailok-Laran.

#### **VIII. APROVASAUN.**

**Relatóriu fiskalizaun iha MOTA AILOK-LARAN SUKU HERA edisaun 21 Janeiru 2021 ida ne'e, hetan ona aprovasaun Komisaun liu husi Reuniaun Ordinaria iha lora Kinta, 18 Feveiru 2021, tuku 10H 00 Óras Timor Leste. Prosesu aprovasaun hetan partisipasaun husi membru Komisaun 7, ho rezultadu aprovasaun: Afavor: VOTU HITU – Kontra: ZERO –Abstensaun: ZERO.-----**

Díli, Parlamentu Nasional, 18 Feveiru 2021

Prezidente Komisaun,

Relatora,

Deputadu Abel Pires da Silva, PhD

Deputada Maria Anabela Sávio